



Broj: 10-05-28024/17
Sarajevo, 04.12.2017. godina

SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničko pitanje

Zastupnica Mersiha Mehmedagić je na 33. Radnoj sjednici Skupštine Kantona Sarajevo, održanoj dana 02.10.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, podsjetila na inicijativu koju je podnijela na jednoj od prethodnih sjednica, a vezana je za dosljedno provođenje Zakona o zdravstvenoj zaštiti FBiH i Odluke o utvrđivanju osnovnog paketa zdravstvenih prava FBiH u pogledu prava trudnica na zdravstveno osiguranje bez obzira na status osiguranja i postavila zastupničko pitanje kako slijedi:

"Na osnovu odgovora Ministarstva zdravstva broj 10-05-21788 u kojem se navodi da Kanton Sarajevo nije do sada finansirao osnovni paket zdravstvenog osiguranja za neosigurana lica, dopunjujem inicijativu za dosljedno provođenje Zakona o zdravstvenoj zaštiti FBiH te Odluke o utvrđivanju osnovnog paketa zdravstvenih prava FBiH u pogledu prava trudnica na zdravstveno osiguranje bez obzira na status osiguranja.

Tražim od Ministarstva zdravstva da, u cilju objektivne analize potrebnih sredstava za sprovođenje Zakona pribavi od bolničkih ustanova u Kantonu Sarajevo podatke o broju operativnih zahvata i poroda koji su naplaćeni licima koja nemaju zdravstveno osiguranje.

OBRAZLOŽENJE:

Navedenu dopunu tražim kako bi se okvirna sredstava mogla planirati u Nacrtu Budžeta KS za 2018.godinu, te u tom kontekstu tražim od Ministarstva da u ovoj fazi uključi i jedinice lokalne uprave".

U vezi sa postavljenim zastupničkim pitanjem dostavljamo slijedeći:

ODGOVOR

Ministarstvo zdravstva je dana 30.11.2017.godine, zatražilo podatke od JU Opća bolnica "Prim.dr Abdulah Nakaš" i Kliničkog centra Univerziteta u Sarajevu, o broju naplaćenih usluga koje se odnose na operativne zahvate i porode trudnica koje nemaju zdravstveno osiguranje (neosigurane osobe).

U odgovoru JU Opće bolnice "Prim. dr Abdulah Nakaš" se navodi da je u periodu od 01.01. - 07.11.2017.godine pruženo i naplaćeno ukupno 53 usluge i to: 44 usluge (normalan porod i carski rez) i 13 usluga (operativni zahvat).



Klinički centar Univerziteta u Sarajevu navodi da je u periodu od 01.01. - 03.11.2017.godine ukupno izvršeno 32 poroda, za navedenu kategoriju lica, od čega je naplaćeno 10 (normalan porod i carski porod).

Također, u svom odgovoru navode da su socijalne službe KCUS uključene u sve slučajeve, i iste saraduju sa općinskim službama za socijalni rad.

S tim u vezi, napominjemo da je Ministarstvo zdravstva Kantona Sarajevo već pokrenulo određene aktivnosti na izmjeni i dopuni važeće Odluke o utvrđivanju osnovice stope i načina obračunavanja i uplate doprinosa za obavezno zdravstveno osiguranje na području Kantona Sarajevo, kako bi određene kategorije koje nemaju zdravstveno osiguranje, a između kojih spada i kategorija trudnica, mogle ostvariti pravo na zdravstveno osiguranje po osnovu navedene odluke.

Pokrenute aktivnosti ovo ministarstvo provodi u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo, Ministarstvom obrazovanja, nauke i mladih Kantona Sarajevo, JU Služba za zapošljavanje Kantona Sarajevo i Zavodom zdravstvenog osiguranja Kantona Sarajevo.



MINISTRICA

Zilha Ademaj, dipl.oec.

